

Portoi per la rodes, la fin del 2020

L conseier provinzièl Luca Guglielmi, la procuradora Elena Testor e la Sociazion Fassa palesa sodesfazion per la resposta de l'assessor Gottardi

Zacan vèlch se mef e l 2020 podessa esser l'an giust. Rejonon endò del portoi per la rodes de Fascia, de chel benedet toch che menzia anter Ciampedel e Penia per serèr sù zacan na storia zenza fin.

L'era amò i prumes egn del 2000 canche la Provinzia de Trent, che volea creèr portoies per la rodes te dut 1 Trentin, se prejentèa con n projet al Comprenjorie de Fascia. De messèl del 2014 i raprejentanc politics de la Provinzia e del Comun general aea enaudà »en pompa magna« l toch de percors da Poza encsin a Fontanac, 7 chilometres che jia a se jontèr ite a dut l toch da Ciastel fin a Sèn Jan e che aldò del projet cognea ruér fin ta Penia per n percors complessif de 45 chilometres. L'ultima pèrt del percors è stata metuda anter la prioritàdes tel Pian Stralcio de la mobilità e viabilità de Fascia aproà da la Jonta

provinzièla de Trent de october del 2015, ma dò dut se à blocà e endèna l'é passà i egn.

Descheche se sà l'opera era stata ferèda per via de n recors al Pian Stralcio portà dant del 2016 da la sozietà Errelle sas, de proprietà del conseier de Comun de Ciampedel e tesorier de la sociazion Fassa Manuel Capovilla, che l Tar à refudà del 2018. Ma endèna l'é stat etres entardivamenc e speises de avocac e recorsc.

E sion al scomenz del 2020. Enstadì l conseier provinzièl ladin Luca Guglielmi ge à fat n'autra interogazion a la Jonta provinzièla, per saer la situazion e i tempes pervedui per l completament de l'ultim toch. L'é ruà la resposta de l'assessor ai enc locai Mattia Gottardi che à fat a saer che chest an, apontin del 2020, l'é pervedù l'apalt e i lurieres per la portèr a compiment.



L portoi per la rodes de Fascia vegrà portà a compiment del 2020.

COMUNANZA

Sparagnèr se pel... e l'é ence bel!

Tel chèder del projet #Fuoricentro vegn endrezà scontrèdes per stèr adum e baratèr saeres utoi per la vita da vignidi

N pèr de ores passedes adum con n grop de jent (en verità bèleche dut eles), a na vida lijiera, informala e gustegola, ma olache se à podù vegnir a saer n muie de picola neves che pel ne dièd te la vita da vignidi.

Coscita la è stata te la pruma scontrèda che é stata metuda a jir te Comun general en mercol ai 15 de jané, tel chèder del projet #Fuoricentro per endrezà di servijes sozietà del Comun general, che ensemma con la Scola de Fascia e autra istituzions e sociazions porta inant te Fascia la scomenzadives de chet projet de la sociazion «Con i Bambini» adum con la Fondazion Trentina

per l Volontariat Sozièl. L tem metù dant l'era chel del bilanz de cèsa, con consees per esser bogn de tegnir sot eie la speises e ence de sparagnèr con n eie ascort a l'ambient.

L'assistenta sozièla Marinella Fanti à portà l salut de Paola Rasom, responsabola di servijes sozietà del Comun general, e l'à prejentà Mattia Mascher de CBS (Community Building Solutions) de Trent, na sozietà che se cruzia de promozion e formazion ti setores de l'ambient, sparagn, sostegniboltà e welfare comunitarie.

Dant da dut l'é stat prejentà n video metù sul sit de n sfoi de nonzech nazionèl olache la jent vegn engaissèda a »sparagnèr« vordan de se caparèr l maor numer possibol de articoli a priesc n muie bas, stajan semper ascorc a se emprevaler de zedoles e ocasions de rebas. La riflescion vegnuda fora sobito dal grop à metù al luster che perder ores a ge stèr dò ai rebasc e se empienir la majon de roba che no se doura demò pecheche la é bon marcià fosc no l'é la vida miora de sparagnèr.

Mascher à dit che tegnir sot control l bilanz de cèsa per trei meis l'é assà per entener colunes che l'é

L'à prezisà ence che te la manovra de assestantam de messèl del 2019 l'é stat smaorà i finanziamenc per chesta opera che en dut i è de 1,9 millions de euro e donca l'é a la leta la ressorses che l'é de besegn per la fenir sù.

Grana l'é stat la sodesfazion de Guglielmi, che via per l'an 2019 à batù de spes e fat desvaliva interogazions per arjonjer chest obietif che, descheche l scrif te n comunicat, ge dèsc merit ence a l'important lurier portà inant chisc egn passé dal Comun general de Fascia. De mé del 2018 la Jonta provinzièla, addò de na interogazion del conseier provinzièl ladin Giuseppe Detomas, aea emprometù che i lurieres i fosse taché ite del 2019 e che i l toch de portoi fosse stat completà con l'istà del 2020.

Dapò anter litazions, mencianza de ressorses e fazile autre prioritàdes metudes sun desch, no l'é più stat fat nia. Gran content per la resposta de l'assessor Gottardi palesa ence l consei diretif de la Sociazion Fassa, de chela che l conseier provinzièl l'é secretèr politich. »Volontà politica e tempes segures – vegn dit te n comunicat – per l completament de n'opera che la val speta oramai da massa egn. Na bela sodesfazion per l'aministratzion del Comun general, vidà da la procuradora Elena Testor, ensemma a sia jonta, che se à dat jù dassen te chisc egn percheche chesta opera vegne portèda a compiment.«

Se spera dalbon che chest an se posse taèr la veta e meter zacan la parola fin.

Monica Cigolla

la speises maores e coche se podessa sparagnèr vèlch. No serif doventèr mac, se pel ence meter a stim vèlch speisa desche l café che se fèsc ogne di. Tegnir chest bilanz ensemma coi fies l'é ence na vida gustegola per i fèr sentir pèrt de l'economia de cèsa e ge ensegnèr a tegnir cont e anchecondi se pel l fèr ence con app apostà, desche per ejempie »fastbudget« o »monefy«.

Te la scontrèda l'é stat portà desvaliva esperienzes de compra sostegnibola, per ejempie con i GAS (gropes de compra solidala) e aziendes de produzion locala, l'é stat rejonà de l'enteress semper maior per i marcé de roba de seconda man che vegn metui a jir ence te noscia valèdes (a Stalimen vigni sabeda) e l'é stat fat valutazions ence su la compres tel web, olache l'é vera che se pel sparagnèr, ma ge vel ence stèr n muie ascorc a no vegnir gabolé e no se pel desmentièr nience l cost indiret: chel ambientèl che a la fin l'é n cost che paon duc canche l'é dejastres e chel per l'economia del teritorie, ajache se la picola boteighes sera vegn a mencèr n servije per duc.

Mascher l'à dat consees de utol ence per schivèr l »sniffing« di dac personèi tel web e per cerner soluzions più ecologiches canche se va a proveder o se endreza evenc: con picola azions desche per ejempie beiver èga de spina, meter peires da la lum LED, destudèr i aparac enveze che i lascèr en stand-by, se pel dassen sparagnèr n muie, apede che fèr vèlch de utol per l'ambient.

Dò na seconda scontrèda su l'educazion digitala endrezèda te Sorastanza de la Scola en mercol ai 22 de jané, via per d'aisciuda vegnàr metù a jir amò vèlch apuntament per emparèr a se fèr enstess l saon per se lavèr i ciavei e a ge dèr neva vita a la plastica... e sarà ence na scontrèda de poetry slam.

Lucia Gross



Mattia Mascher e Marinella Fanti a la scontrèda de #Fuoricentro.

CULTURA E ISTITUZIONS

Meter l'ICL sot al Comun general no ge joa a nesciugh

L'Union di Ladins de Fascia palesa dubies e cruzies en cont de la proponeta de lege per passèr l'Istitut Cultural Ladin da ent strumentèl de la Provinzia a la gestion aministrativa del CGF

Se rejona endò de la proponeta meter l'Istitut Cultural Ladin sot a la gestion del Comun general de Fascia. L'entendiment de fèr n desegn de lege per chest passage da la Provinzia a l'Ent aministratif de Fascia era stata portèda dant ai prumes de november, en ocasion de la radunanza de la Sociazion Fassa, dal secretèr politich de Fassa Luca Guglielmi, ma dapò parea che l descors sie stat metù mingol te n cianton. Defat no n'era più stat rejonà niente a la Conferenza de la mendranzes, olache enveze Guglielmi, chest'outa te sia viesta de Conseier provinzièl ladin, l'aea anunzià la nomina te tempes curc de la Comision paritetica anter Provinzia, Region, Comun general e Comuns de Fascia olache vegn dezidù i passajes de competenzers anter i desvalives lìvies aministratives.

Enstadì ampò l'argoment è endò sutà fora, tant sui sfos locai per ousc del medemo Guglielmi,

indipendència e rigor scientifiche e n Consei de Aministratzion che fèsc 1 giust control politich-administrativ e l'é jà espresion de la istituzions e di equilibries politics de la val.

Li problem l'é n muie più concret: a chi ge joel chest passage?

No 1 ge joa a l'Istitut Cultural ladin, ajache sot a n Ent più picol sia attività risia de vegnir ferèda e penalisièda, ma niente al Comun General, che l se troassa su la schena n gran peis burocratich e de gestion zenza aer na strutura enjignèda a responder ai problemes semper più senestres che revèrda l persona e i apalc. Apede chest, ajache 1 Comun General l'é n Ent che no à finanza sia, se aessa n passaje de più che entardivassa 1 trasferiment de la ressorses finanzièlles.

Perauter ence 1 Comun General ti ultimes egn là cernù de ge fèr fèr a la Provinzia apalc che l'aessa podù fèr diretamente, ma che l'aessa stentà a fèr. L'é competenzes n uie più emportantes e strategiches per la val, che la gestion aministrativa de l'Istitut Cultural Ladin.

L'é da dir ence che 1 Comun General no à mai formalmenter domanà competenzes su l'Istitut e de chest no l'é mai stat rejonà tel Consei General. L'é stat enveze pervedù de meter sù na Comision paritetica che l'à apontin l'encèria de tor dant i passajes de competenzes da la Provinzia e dai Comuns al Comun general: se studièr a fèr n desegn de lege sul passaje de l'Istitut Ladin volessa dir banalisèr l ruol e l lurier de la Comision medema.

Per duta chesta rejons – fenesc fora 1 comunicat – pisson che proponer a na vida sobitoua n desegn de lege sun chest argoment sie n fal, che risia de creèr contrascé che pel jir a dan de l'Istitut Cultural Ladin e de duta la comunanza de Fascia. L'é n passaje che cogn vegnir tout dant con fèr ascot e responsabol e en cordanza col teritorie, e no durà a na vida strumentala per de etres fins.«



L president de l'Union di Ladins de Fascia Fernando Brunel a l'ultima radunanza de l'Istitut Cultural Ladin.